

四庫全書

集部

欽定四庫全書

文苑英華卷二百九十

宋 李昉等 編

行邁二

薛稷一首

李乂一首

崔湜四首

杜審言四首

宋之問十九首

張說九首

蘇頲六首

寇泚一首

韋述一首

還京陝西十里作

薛稷

驅車越陝郊北顧臨大河隔河望鄉邑秋風水增波西
登咸陽途日暮憂思多傳巖既紆鬱首山亦嵯峨操築
無昔老採薇有遺歌客遊節回換人生能幾何

次蘇州

李乂

洛渚問吳潮吳門想洛橋夕煙楊柳岸春水木蘭橈城
邑南樓近星辰北斗遙無因生羽翼輕舉託還颺

景雲二年

唐書作景
龍二年

余自門下平章事削階授

江州員外司馬尋拜襄州刺史春日赴襄陽

途中言志

崔湜

余本燕趙人秉心愚且直羣籍備所見孤貞每自飭狗
祿期代耕受任亦量力幸逢休明時朝野兩薦推一朝
趨金門十載奉瑤墀入掌遷固筆出參枚馬詞吏部既
三踐中書亦五朞進無負鼎說退慙補袞詩常恐嬰悔
吝不得少酬私嗷嗷路傍子訥疑謗紛無已上動明主
疑下貽大臣恥毫髮顧無累水壺貌疑自恃天道何期

平幽寃終見明始佐廬陵疑郡尋牧襄陽城彤幃荷新
寵朱黻蒙舊榮力薄慙任重恩深知命輕飭徒留前路
行子悲且慕猶聞長樂鐘尚辨青門樹慈親不忍訣昆
弟默相顧去去勿重陳川長日云暮

至桃林塞作

前人

去國未千里離家已再旬丹心恒戀闕白首更辭親懷
壁常貽訓捐金詎得隣抱寃非忤物罹謗豈尤人不濫
辭終辨無瑕理竟申散還中省舊符與外臺新塞上同

遷客江潭異逐臣
淚垂非屬峴腸斷
固由秦歲月行道
盡山川難重陳
始知亭伯去還是
拙謀身

襄陽作

前人

廟堂初解印郡邸
忽腰章按節巡
河右鳴騶入漢陽
城臨南峴出樹繞
北津長好學風猶
扇誇才俗未忘
江山距七澤煙雨
接三湘蛟浦荷菱
淨魚舟橘柚香
醉中求習氏夢裏
憶襄王宅壞仍思
鳳碑存更憶羊
下車慙政美閉閣
幸時康多謝征南
術于今尚不亡

襄城卽事

前人

子牟懷魏闕元凱滯襄城冠蓋仍為里池臺尚識名山
光晴後綠江色晚來清借問東流水何時到玉京

旅寓安南

杜審言

交趾殊風候寒遲暖復催仲冬山菓熟正月野花開積
雨生昏霧輕霜下震雷故鄉踰萬里客思倍從來

度石門山

前人

石門千仞斷迸水落遙空道東懸巖半橋歆絕澗中仰

攀人屢息直下騎纔通泥擁奔蛇徑雲霾伏獸叢星躔
牛斗北地爪象牙東開塞隨行變高深觸望同江聲連
驟雨日氣抱殘虹未改朱明律先含白露風堅貞所不
憚險澁諒難窮有異登臨賞徒為造化功

巖半

集作
崖半

所不憚

所集
作深

經行嵐州

前人

北地春光晚邊城風氣寒往來花不發新舊雪仍殘水
作琴中聽山疑畫裏看自驚牽遠役難險促征鞍

發湘江

前人

他日林亭非舊遊，今春花鳥作邊愁。
自憐京國人南竄，不似湘江水北流。

黃梅臨江驛

見二百九十卷

宋之問

蚤發大庾嶺

前人

晨躋大庾險，驛鞍馳復息。
霧露晝未開，浩塗不可測。
嶰起華夷界，信為造化力。
歇鞍問徒旅，鄉關在西北。
出門怨別家，登嶺恨辭國。
自惟勗忠孝，斯罪懵所得。
皇明頗

照洗廷議日紛惑兄弟遠淪居妻子成異域羽翮傷已
毀童幼憐未識跣躄戀北顧亭午晞霽色春暖陰梅花
瘴回陽烏翼含沙綠澗聚吻草依林植適蠻悲疾首懷
輦淚霑臆感謝駕鷺朝勤修魑魅職生還儻非遠誓擬
酬恩德

自洪府舟行直書其事

前人

仲春辭國門畏塗橫萬里越淮乘楚嶂造江泛吳汜巖
程無休隙日夜涉風水昔聞垂堂言將誠千金子問余

何竒剝遷竄極炎鄙揆已道德餘幼聞虛白旨貴身賤
外物抗跡遠塵軌朝遊伊水湄夕卧箕山趾妙年拙自
晦皎潔弄文史謬辱紫泥書揮翰青雲裏事往每增傷
寵來常誓止銘骨懷林丘逆鱗讓金紫安位釁潛構退
耕禍猶起栖巖實吾策觸藩誠內恥濟濟同時人台庭
鳴劔履思以卑自衛兀坐去沉滓迨茲理已極竊位申
知己羣議負宿心獲戾光華始黃金忽銷鑠素業悉淪
毀浩歎誣平生何獨戀粉梓浦樹浮鬱鬱臯庭覆靡靡

百越去魂斷九疑望心死未盡匡阜遊遠欣羅浮美周
旋本師訓佩服無心理異國多靈仙幽探忘年紀敝廬
嵩山下空谷茂蘭芷悠悠南溟遠採掇長已矣

自湘源至潭州衡山縣

前人

浮湘汭迅湍逗浦疑遠盼漸見江勢濶行嗟水流慢赤
岸雜雲霞綠竹緣溪澗向背羣山轉應接良景晏沓嶂
連夜猿平沙覆陽鴈紛吾望闕客歸撓速已慣中道方
泝洄遲念自茲撰賴忻衡陽美持以蠲憂患

蚤發韶州

前人

炎徼行應盡回瞻鄉路遙珠崖天外郡銅柱海南標日
夜晴明少冬春霧雨饒身經火山熱顏入瘴江銷觸影
含沙怒逢人毒草搖露濃看芥濕風颭集作颭覺船飄直
禦魑將魅寧論鴟與鴞虞翻思報國許靖願歸朝綠樹
秦京道青雲洛水橋故園常在目魂去不須招

發藤州

前人

朝夕苦遄征孤魂長自驚沉舟依雁泊投館聽猿鳴石

髮綠溪蔓林衣拂地輕雲峰刻不似苔壁畫難成露衰
千花氣泉和萬籟聲攀幽紅處歇躋險綠中行戀結芝
蘭砌悲纏松栢瑩丹心江北死白髮嶺南生魑魅天邊
國窮愁海外情勞歌意無限今日為誰明

發端州初入西江

前人

問我將何去清晨沂越溪翠微懸宿雨丹壑飲晴霓樹
影捎雲密藤輪覆水低潮回出浦駛洲轉望鄉迷人意
長懷北車行日向西破顏看鵲喜拭淚聽猿啼骨肉初

分愛親朋忽解携路遙魂欲斷身辱理能齊疇日三山
意于茲萬緒睽金陵有仙館卽事尋丹梯

初宿淮口

前人

孤舟汴河水去國情無已晚泊投楚鄉明月清淮裏汴
河東瀉路窮茲洛陽西顧日增悲夜聞楚歌思欲斷

集作

欲絕況值集作復淮南木落時

晚泊湘江

前人

五嶺恓惶客三湘顛顚顏況復秋雨霽表裏見衡山路

逐江南轉心依鴈北還唯餘望鄉淚更染竹成斑

江南

集作
鵬南

度大庾嶺

前人

度嶺方辭國停輶一望家魂隨南翥鳥淚盡北枝花山
雨初含霽江雲欲變霞但令歸有日不敢恨長沙

過蠻洞

前人

越嶺千重合蠻溪十里斜竹迷樵子徑萍匝釣人家林
暗交楓葉園香覆橘花誰憐在荒外孤賞足雲霞

下桂江縣黎壁

前人

放溜觀前漱連山紛上干江回雲壁轉天少霧峰攢吼
沫跳急浪合流環峻灘歌離出漩劃繞繚避渦盤舟子
怯桂水最云斯路難吾死抱忠信吟嘯自閒安旦別已
千載夜愁勞萬端企予見外月委曲破林巒潭曠竹煙
盡洲香橘露團豈傲夙所好對之與俱歡思君罷琴酌
泣此夜漫漫

始安秋日

前人

桂林風景異秋似洛陽春晚霽江天好分明愁殺人卷
雲山解解碎石水磷磷世業事黃老妙年孤隱淪歸歟
卧滄海何物貴吾身

經梧州

前人

南國無霜霰連年見物華青林換暗葉紅蘂續開花春
去聞山鳥秋來見海槎流芳雖可悅會自泣長沙

蚤發始興江口至靈長村

前人

候曉踰閩障乘春望越臺宿雲鵬際落殘月蚌中開薜

荔搖青氣枕榔翳碧苔桂香多露衰石響細泉回抱葉
玄猿嘯銜花翡翠來南中雖可悅北思日悠哉鬢髮俄
成素丹心已作灰何當首歸路行剪故園萊

下桂江龍目灘二首

前人

停午出灘險輕舟容曳前峯攢入雲樹崖噴落江泉巨
石潛山恠深篁隱洞仙鳥遊溪寂寂猿嘯嶺娟娟揮袂
日凡幾我行途已千暝投蒼梧郡愁枕白雲眠

二

傳聞峽山好旭日棹前沂雨色搖丹嶂泉聲聒翠微兩
巖天作帶萬壑樹披衣秋橘迎霜序春藤礙日輝翳潭
花似織綠嶺竹成圍寂歷還沙浦葱蘢轉石圻露餘江
未熱風落瘴初晞猿飲排虛上禽驚略水飛榜童夷唱
合樵女越吟歸良候斯為美邊愁自有違誰憐望鄉國
流涕失芳菲

入瀧州江

前人

孤舟泛盈盈江流日縱橫夜雜蛟螭寢晨披瘴癘行潭

蒸水沫起山熱火雲生猿躩時能嘯鳶飛莫敢鳴海窮
南徼盡鄉遠北魂驚泣向文身國悲看鑿齒氓地偏多
育蠱風惡好相鯨余本巖栖客悠哉慕玉京厚恩常願
答薄官不祈成違隱垂求志披荒為近名鏡愁玄髮改
心負紫芝榮運啓中興立時逢外域清祗應保忠信延
促付神明

望鄉絕句

前篇題
作漢江

見二百六十二卷

宋之問

蜀道後期

張說

客心爭日月來往預期程
秋風不相待先至洛陽城

以下九篇並見集本

喜度嶺

前人

東漢興唐歷南河復禹謀
寧知瘴癘地生入帝皇州
雷雨蘇蟲蟄春陽放鸞鳩
洄沿炎海畔登降闔山陬
嶺路分中夏川源得上流
見花便獨笑看草即忘憂
自始居重譯天星已再周
鄉關絕歸望親戚不相求
棄杖枯還

植窮鱗涸更浮道消黃鶴去運啓白駒留江妾晨炊黍
津童夜權舟盛明良可遇莫後洛城遊

至尉氏

前人

夕次阮公臺嘯歌臨爽塏高名安足賴故物今皆改吾
兄昔茲邑遺愛稱良宰桑中雉未飛屋上烏猶在塗逢
舊甿吏城有同寮窠望塵遠見迎拂館來欣待茲惠留
千室友于存四海始知魯衛間優劣想懸倍

過蜀道山

我行春三月山中百花開披林入峭嶺攀磴陟崔嵬白
雲半峯起清江出峽來誰知高深意緬邈心悠哉

再使蜀道

前人

眇眇葭萌道蒼蒼褒斜谷煙壑爭晦深雲山共重復古
來風塵子同眩望鄉目芸閣有儒生軺車倦馳逐青春
客岷嶺白露搖江服歲月鎮羈孤山川俄反覆魚遊戀
深水鳥遊戀喬木如何別親愛坐去文章國蟋蟀鳴戶
庭蠨蛸網琴筑

下江南夔州

前人

天明江霧歇
洲浦棹歌來
淶水逶迤去
青山相向開
城臨蜀帝祀
雲接楚王臺
舊知巫山上
遊子共徘徊

深渡驛

見二百九十七卷

襄陽路逢寒食

前人

去年寒食洞庭波
今年寒食襄陽路
不辭著處尋山水
祇畏還家落春暮

巡邊在河北作

去年六月西河西今年六月北河北沙場磧路何為爾
重義輕生知許國人生在世能幾時壯年征戰髮如絲
會待安邊報明主作頌封山也未遲

興州山行

蘇頲

危途曉未分驅馬傍江瀆
滴滴泣花露微微出岫雲
松梢半吐月蘿翳漸移
曛旅客腸應斷吟猿更使聞

曉發興州入陳平路

前人

旌節指巴岷年年行且巡
暮來青嶂宿朝去綠江春
魚

貫梁緣馬猿奔樹息人邑祠猶是漢溪道即名陳舊史
饒遷謫恒情厭苦辛寧知報恩者天子一忠臣

行且巡

行集
作按

曉發方騫驛

前人

傳置遠山蹊龍鍾蹶澗泥片陰長作雨微照已生霓鬢
髮愁氛換心情險路迷方知向蜀老偏識子規啼

經三泉路作

前人

三月松花作春行日漸賒竹妨山鳥路藤蔓野人家透

石飛梁下尋雲絕磴斜此中誰與樂揮涕語年華

曉濟膠川南入密界

前人

飲馬膠川上傍膠南趣密林遙鳥飛遲雲去晴山出落
暉隱桑柘秋原被花實慘然遊子寒風露將蕭瑟

夜發三泉即事

前人

暗發三泉山窮秋聽騷屑北林夜鳴雨南望曉成雪
詠北風涼詎知南土熱沙溪忽沸渭石道乍明滅宛若
銀磧橫復如瑤臺結指程則所戀遇虞不遑歎重續濡

莫解懸旌凍猶揭下奔泥棧楮上覲雲梯設搏頰羸馬
頓回眸喘人跌憧憧往復還心注恩腴切冉冉年將病
力困衰息竭天彭信方隅地勢誠斗絕忝曳尚書履叨
兼使臣節京坻有歲饒亭障無邊孽歸奏丹墀左騫能
俟來慙

度塗山

寇泚

小年弄文墨不識戎旅難一朝事鞞鼓策馬度塗山塗
山橫地軸萬里留荒服悠悠征旆遠駢驟一何速流月

揮金戈驚風折寒木行聞漢飛將還向臯蘭宿

晚度伊水


韋述

悠悠涉伊水伊水清見石是時春向深兩岸草如積迢
迢望洲嶼逶迤亘津陌新樹落踈紅遙原上新碧迴瞻

洛陽遠遽有長江隔煙霧猶辨家風塵已為客登陟

詩選

作涉多異趣往來見行役雲起蚤已昏鳥飛日將夕光陰
逝不借超然慕疇昔遠遊亦何為歸來存竹帛



文苑英華卷二百九十

欽定四庫全書

集部

文苑英華卷二百九十五

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官中書_臣秦泉

謄錄監生_臣王思謫

欽定四庫全書

文苑英華卷二百九十一

宋 李昉等 編

行邁三

張九齡十一首

張子容二首

王維四首

孫逖六首

賀知章一首

孟浩然十二首

杜甫十首

李白五首

張軫一首

蔡希寂一首

綦毋潛一首

初發道中寄還

集作
遠

張九齡

日夜鄉山遠秋風復此時
舊聞胡馬思今聽楚猿悲
念別朝昏苦懷歸歲月遲
壯圖空不息常恐髮如絲

以下
一十

篇並見
集本

自豫章南還江上作

前人

歸去江南水磷磷見底清
轉逢空闊處聊洗滯留情
浦樹遙如待沙鷗近若迎
津途別有趣況乃濯吾纓

自始興谿夜上赴嶺

前人

常蓄名山意茲為世網牽征途屢及此初服已非然日
落青巖際谿行綠篠邊去舟乘月後歸馬息人前數曲
迷幽嶂連圻觸暗泉深林風緒結遙夜客情懸非梗胡
為泛無膏亦自煎不知行役者相樂在何年

初入湘中有喜

前人

湘中作

以上二詩並見
一百六十二卷

前人

浮沉

前篇作浮波
集作浮沒

前人

自湘水南行

前人

落日催行舫，逶遲

集作述

洲渚間。誰云有物役，乘此更休

閑。暝色生前浦，清暉發近山。中流澹容與，唯愛鳥飛還。

耒陽谿夜行

前人

乘夕棹歸舟，緣源路轉幽。月明看嶺樹，風靜聽溪流。嵐氣船間入，霜華衣上浮。猿聲雖此夜，不是別家愁。

自彭蠡湖初入江

前人

江岫殊空闊，雲烟處處浮。上來群噪鳥，中去獨行舟。牢

落誰相顧逶迤日自愁更將心問影于役復何求

初發曲江谿中

前人

谿流清且深松石復陰臨正爾可嘉處胡為無賞心我
猶不忍別物亦有緣侵自非常行邁誰能知此音

西江

一作河

夜行

前人

遙夜人何在澄潭月裏行悠悠天宇曠切切故鄉情外
物寂無擾中流澹自清念歸春服

集作林葉

換愁坐露華生

獨有汀洲鶴宵分乍一鳴

南陽道中作

前人

登郢屬歲陰及晚惜所適復聞東漢主遺此南都迹佳
氣藹厥初霸圖紛在昔茲邦稱貴近與世嘗薰赫遭遇
感風雲變衰空草澤不識鄧公樹猶傳陰后石驅馬歷
闐閣荆榛翳阡陌事去物無象感來心不憚懷古到窮
秋興言傷遠客眇默遵岐路辛勤弊行役雲鴈號相呼
林麇走自索顧憶狗書劍未嘗安枕席豈暇墨突黔空
持遼豕白迷復期非遠歸歟賞農隙

自樂城赴永嘉枉路泛白湖寄松楊李少府

張子容

西行礙淺石北轉入溪橋樹色煙輕重湖光風動搖百
花亂飛雪萬嶺疊青霄猿挂臨潭篠鷗迎出浦橈惟應
賞心客茲路不言遙

泛永嘉江日暮迴舟

前人

無雲天欲暮轉鷁大江清歸路煙中遠迴舟月上行傍
潭窺竹暗出嶼見沙明更值微風起乘流絲管聲

早入滎陽界

王維

泛舟入滎澤，茲邑乃雄藩。
河曲閭閻隘，川中煙火繁。
因人見風俗，入境聞方言。
秋野田疇盛，朝光市井喧。
魚商波上客，鷄犬岸傍村。
前路白雲外，孤帆安可論。

宿鄭州

前人

朝與周人辭，暮投鄭人宿。
他鄉絕儔侶，孤客親僮僕。
宛洛望不見，秋霖晦平陸。
田父草際歸，村童雨中牧。
主人東臯上，時稼遶茆屋。
蟲鳴集作思機杼休集作悲雀喧禾黍。

熟明當渡京水昨夜

集作
晚

猶金谷此去欲何之

集作
言

窮

邊徇微祿

自大散已往深林密竹磴道盤曲四五十里至

黃牛嶺見黃花川

前人

危徑幾萬轉數里將三休迴環見徒侶隱映隔林邱
颯颯松上雨潺潺石中流靜言深林裏長嘯高山頭望見

南山陽白日

集作
露

靄悠悠青臯麗已淨綠樹鬱如浮曾

是厭蒙密曠然消人憂

曉行巴峽

前人

際曉投巴峽餘春憶帝京
晴江一女浣朝日衆鷄鳴
水國舟中市山橋樹杪行
登高萬井出眺迥二流明
人作殊方語鴛為舊國聲
賴多集作山水趣稍解別離情

淮陰夜宿

孫逖

水國南無畔扁舟北未期
鄉情淮上失歸夢郢中疑
木落知寒近山長見日遲
客行心緒亂不及洛陽時

二

永夕卧煙塘蕭條天一方秋風淮木落寒夜楚歌長宿
莽非中土鱸魚豈我鄉孤舟行已倦南越尚茫茫

下京口埭夜行

前人

孤帆度綠氛寒浦落紅暉江樹朝來出吳歌夜漸聞南
溟接潮水北斗近鄉雲行役從茲去歸情入鴈羣

山行遇雨

前人

驟雨晝氛氳空天夜不分暗山唯覺電窮海但生雲涉
澗猜行潦綠崖畏宿氛夜來江月霽棹唱此中聞

欽定四庫全書

文苑英華
卷二百九十一

六

夜到潤州

前人

夜入丹陽郡天高氣象秋海隅雲漢轉江畔火星流城

郭一作府傳金柝閭闔閉綠洲客行凡幾夜新月再如鈎

夜宿浙江

前人

扁舟夜入江潭白露白風高氣蕭索富春渚上潮未遠
天姥岑邊月初落煙水茫茫多苦心更聞江上越人吟

洛陽城闕何時見西北浮雲朝暝深

曉發

賀知章

江臯聞曙鍾輕棹理還舸海潮夜約約川露晨溶溶如
見沙上鳥猶靈雲外峯故鄉渺無際明發懷朋從

夜渡湘江

孟浩然

客行舟集作貪利涉夜關集作裏渡湘川露氣聞香若集作杜
歌聲識暗采集作蓮榜人投崖火漁子宿潭煙行旅集作

時相問津集作陽何處邊

沂江至武昌城

前人

家本江湖上歲時歸思催客心徒欲速世路共集作澶

欽定四庫全書

文苑英華
卷二百九十一

七

迴殘凍因風解新正度臆開行省武昌柳髮髯映樓集作

陽臺

旅行欲泊宣州界集作夜泊宣城界孟浩然

西塞沿江島南陵問驛樓湖平津渡濶風止客帆收去

去懷前浦茫茫泛夕流石逢羅刹礙山泊敬亭幽火熾

梅根渚煙迷楊葉洲離家復水宿相伴賴江集作鷗

行至漢川作集作出行東山望漢川

前人

異縣非吾土連山盡綠簟平田出郭少盤瓏集作入雲

長萬壑歸於漢千峯劃彼蒼猿聲亂楚峽人語滯巴鄉

石上攢椒樹藤間養

集作
緞

蜜房雪餘春未暖嵐解晝初

陽征馬疲登頓歸帆愛渺茫坐欣沿溜下信宿見浮

集作

維
桑

自洛之越

前人

遑遑三十載書劍兩無成山水尋吳越風塵厭洛京扁

舟泛湖海長揖謝公卿且樂盃中酒

集作
物

誰論世上名

晚泊潯陽望廬山

前人

掛帆

一作去聲集作席恐不知側音耳

幾千里名山都未逢泊舟潯陽

郭始見香爐峯嘗讀遠公傳永懷塵外蹤東林精舍在

集作近

日暮空

集作但

聞鍾

歸至郢中

前人

遠遊經海嶠返棹歷山河

集作歸山阿

日夕見喬木鄉園成

集作關在

伐柯愁隨江路盡喜入郢門多左右首桑土

集作上

依然即匪他

早發漁浦潭

前人

晨旭光蒼茫

集作東旭
早光茫

渚禽似

集作已

驚聒卧聞漁浦口

橈聲暗相撥日出氣象分始知江路濶美人常晏然

集作

起

照影弄流沫飲水畏驚猿祭魚常

集作時

見懶舟行自

無悶况值晴景豁

建德江宿

前人

移舟泊幽

集作煙

渚日暮客愁新野曠天低樹江清月近

人

問舟子

前人

向夕問舟子前程復

集作無

幾多灣頭正好泊淮裏足風

波

濟江問舟人

前人

潮落江平未有風扁舟共濟與君同時時引領望天末
何處青山是越中

遠遊

杜甫

江濶浮高棟雲長出斷山塵沙連越雋風雨暗荆蠻鴈
矯銜蘆內猿啼失水間樊裘蘇季子歷國未知還

晚行口號

前人

三川不可望

集作到

歸路晚山稠
落鴈浮寒水
饑鳥集成

樓市朝今日異
喪亂幾時休
遠愧梁江總
還家尚黑頭

早發射洪縣南途中江上作 前人

將老憂貧竄筋力
豈能及征途
復侵星得使
諸病入鄙
人寡道氣在
困無獨立促
裝逐徒侶
達曙陵險
澁寒日出
霧遲青江
轉山急僕
夫行不進
駕馬若維
繫汀洲
稍踈放
風景開
快一作
悒空慰
所尚懷
終非曩
遊集衰
顏

偶一破勝事難屢挹茫然阮籍途更灑楊朱泣

發同谷縣

乾元二年自隴右赴劔南

前人

賢有不黔突聖有不暖席况我饑愚人

一作夫

馬得

集作能

尚安宅始來此山中休駕喜地僻柰何迫物累一歲時
行役忡忡去絕境杳杳更遠適停驂龍潭雲迴首白崖
石臨歧別數子握手淚再滴交情無舊深窮老多慘戚平
生懶拙意偶值棲遁跡去住與願違仰慙林間翮

早行

前人

歌哭俱在曉行邁有期程孤舟似昨日聞見同一聲飛

鳥散

集作數

求食潛魚亦

一作向

獨驚前王作網罟設法害

生成碧藻非不暮

集作茂

高帆終日征干戈未

集作異

揖讓

崩迫開其情

次晚洲

前人

叅錯雲石稠坡陀風濤壯晚洲適知名秀色固異狀棹
經垂猿把身在度鳥上擺浪散帙妨危沙折花當羈離
暫愉悅羸老返惆悵中原未解兵吾得終踈放

過津口

前人

南岳自茲近湘流東逝深和風引桂檝春日漲雲岑回
首過津口而多楓樹林白魚困密網黃鳥喧佳音物微
限通塞惻隱仁者心斲餘不盡酒膝有無聲琴聖賢兩
寂寞渺渺獨開襟

早發

前人

有求常百慮斯文亦吾病以茲朋故多窮老驅馳併早
行篙師急掛席風不正昔人戒垂堂今則奚奔命濤翻

黑蛟躍日出黃霧映煩促瘴豈侵顏倚睡還醒僕夫問
盥櫛暮顏靦青鏡隨意簪葛巾仰慙林花盛側聞夜來
寇幸喜囊中淨艱危作遠客干請傷直性薇蕨餓首陽
粟馬資歷聘賤子欲適從疑悟此二柄

次空靈岸

前人

汙汙逆素浪落落展青眺幸有舟楫遲得盡所歷妙空
靈霞石峻楓栝隱奔峭青春猶有一作無私白日亦偏照

可使營吾居

一作屋

終焉託長嘯毒瘴未足憂兵戈滿邊

徽嚮者留遺恨耻為達人誚回帆覲賞延佳處領其要

宿花石戍

杜甫

午辭空靈

一作虛

岑夕得花石戍岸踈開闢水

一作山

木雜

今古樹地蒸南風盛春熱西日暮四序本平分氣候何
迴互茫茫天造間理亂豈恒數繫舟盤藤輪杖策古樵
路罷人不在村野圃泉自注柴扉雖蕪沒農器尚牢固
山東殘逆氣吳楚守王度誰能扣君門下令減征賦

夜宿

集作泊

牛渚

李白

牛渚西江夜青天無片雲登舟望秋月空憶謝將軍
余亦能高詠斯人不可聞明朝掛帆席楓葉落紛紛

宿白鷺洲寄楊江寧

前人

朝別朱雀門暮棲白鷺洲波光搖海月星影入城樓
望美金陵宰如思瓊樹憂徒令魂作夢翻覺夜成秋
綠水解人意為餘西北流因聲玉琴裏蕩漾寄君愁

金陵阻風雪書懷寄楊江寧

一作新林浦
阻風寄友人

前人

潮水定可信天風難與期清晨西北轉薄暮東風吹以
此難挂席洄沿頗淹遲使索金陵書又叨賢宰知絃歌
止過客惠化聞京師海月破團景菰蔣生綠池昨日一作

見北湖花初開未滿枝今看

集作朝

白門柳夾道垂青絲

歲物忽如此我來復幾時紛紛江上雪草草客中悲明
發板橋浦空吟謝眺詩

流夜郎半道承恩放還蕪欣尅復之美書懷示

息秀才

前人

黃口為人羅白龍乃魚服得罪豈怨天以愚陷網目鯨

鮪未剪滅豺狼

一作虎

屢翻覆悲作

一作化

楚地囚何由秦

庭哭遭逢二明主前後兩遷逐去國愁夜郎投身竄荒

谷半道雪屯蒙曠如鳥出籠遙欣尅復美光武安可同

天子巡劔閣儲皇守扶風揚袂正北辰開襟攬群雄胡

兵出月窟雷破闕之東左掃因右拂旋收洛陽宮迴輿

入咸京席卷六合通叱咤開帝業手成天地功大駕還

長安兩日忽再中一朝讓寶位劔璽傳無窮媿無秋毫

力誰念矍鑠翁弋者何所慕高飛仰冥鴻棄劍學丹砂
臨鑪雙玉童寄言息夫子歲晚涉方蓬

客中作

前人

蘭陵美酒鬱金香玉盃盛來琥珀光但使主人能醉客
不知何處是他鄉

舟行早發

張軫

夜帆時未發同侶暗相催山曉月初下江鳴潮欲來稍
分揚子岸不辨越王臺自客水鄉裏舟行知幾迴

陝中作

蔡希寂

西別秦關近東行陝服長川源餘讓畔歌吹憶遺棠河
水流城下山雲起路傍更憐棲泊處池館繞林篁

早發上東門

綦毋潛

十五能行西入秦三十無家作路人時命不將明主合
素衣空染洛陽塵

文苑英華卷二百九十一

欽定四庫全書

文苑英華卷二百九十二 宋 李昉等 編

行邁四

崔顥四首

祖詠四首

儲光義二首

宋昱一首

常建一首

王昌齡六首

陶翰一首

郭向一首

薛據一首

高適六首

劉長卿七首

崔曙二首

沈頌二首

張謂二首

岑參八首

李嘉祐四首

錢起一首

皇甫曾一首

張繼四首

顧況一首

司空曙二首

舟行入剡

崔顥

鳴棹下東陽迴舟入剡鄉青山行不盡綠水去何長地

氣秋仍濕江風晚漸涼山梅猶作雨溪橋未知霜謝客
文逾盛林公未可忘多慙越中好流恨閱時芳

晚入汴河

前人

昨晚行南楚今朝北汴河客愁能幾日鄉路漸無多晴
景搖津樹春風起棹歌長淮亦已盡寧復畏潮波

發錦沙村

前人

北上途未半南行歲已闌孤舟下建德江水入新安海
近山常雨溪深地早寒行行泊不可須及子陵灘

行經華陰

前人

峩峩太華俯咸京
天外三峯削不成
武帝祠前雲欲散
仙人掌上雨初晴
河山北枕秦關險
驛樹西連漢
疇平借問路傍名利客
無如此處學長生

泊揚子岸

已見一百六十四卷

祖詠

江南旅情

前人

楚山不可極
歸客但蕭條
海色晴看雨
江聲夜聽潮
劍流南斗近
書寄北風遙
為報空潭橘
無媒贈洛橋

過鄭曲

前人

路向滎川谷

夕一作

晴來望盡通細烟生水上圓月在舟

中岸勢迷行客秋聲亂草蟲旅懷勞自慰浙浙有涼風

次圃田居

前人

前路入鄭郊尚經百餘里馬煩時欲歇客程去未已落
日桑柘陰遙村煙火起西歸不遑宿中夜渡京水

行次田家澳梁作

儲光羲

田家俯長道邀我避炎氛當暑日方晝高天無片雲桑

間禾黍氣柳下牛羊群野雀棲空屋晨風不復聞前登

溴梁坂極望溫原曠

集作泉分

逆旅方三舍西山猶未分

集作

曠

夜到洛口入黃河

前人

河洲多青草朝暮增

一作滋

客愁客愁惜朝暮枉渚暫

一作

聊停舟中宵大川靜解纜逐歸流浦溆既清曠沿洄非

阻脩登艫望落月擊楫悲新秋儻遇乘槎客永言星漢

游

晚次荆

一作京江

宋 昱

孤舟大江水，水涉無昏曙。
雨暗迷津時，雲生望鄉處。
漁翁閑自樂，樵客紛多慮。
秋色湖上山，歸心日邊樹。
徒稱竹箭美，未得楓林趣。
向夕垂釣還，吾從落潮去。

泊舟盱眙

常 建

泊舟淮水次，霜降夕流清。
夜久潮侵岸，天寒月近城。
平沙依鴈宿，候館聽鷄鳴。
鄉國雲霄外，誰堪羈旅情。

九江口作

王昌齡

漭漭江勢濶雨開潯陽秋驛門是高岸望盡黃蘆洲水
與五溪合心期萬里遊明時無棄才謫去隨孤舟鷺鳥
立寒木丈夫佩吳鉤何當報君恩却繫風霜頭

客廣陵

前人

樓頭廣陵近九月在南徐秋色明海縣寒煙生里閭夜
帆歸楚客昨日渡江書為問易名叟垂綸不見魚

山行入涇州

前人

倦此山路長停驂問賓御垌林往或回

集作林巒
信回惑

白日

落何處徙倚望長風滔滔引歸慮微雨隨雲收濛濛傍

山去西臨有邊邑北走盡亭戍涇水橫白煙州城隱寒

樹所嗟異風俗已自少集作省情趣豈伊戀懷土集作悚土多

解物且欣遇集作觸目忻所遇

宿灞上寄侍御璵弟
前人

獨飲灞上亭寒山青門外長雲驟落日桑棗寂已晦古
人驅馳者宿此凡幾代佐邑由東南豈不知進退吾宗
秉全璞楚得璆琳最茅山就一徵栢署起三載道契非

物理神交無留礙，知我滄溟心。脫畧腐儒輩，孟冬鑿鑿輿。
出湯谷，羣臣會，半夜馳道喧。五侯擁軒蓋，是時燕齊客。
獻術蓬瀛內，甚悅我皇心。得與王母對，賤臣欲干謁。稽

首期殞碎吾

一作哲

弟感我情，問易窮否泰。良馬足尚踈

寶刀光未淬，昨聞羽書飛。兵氣連朔塞，諸將多失律。廟
堂始追悔，安能召書生。願得論要害，戎夷非草木。侵逐
使狼狽，雖有屠城功。亦有降虜輩，兵糧如山積。恩澤如
雨霈，羸卒不可興。磧地無足愛，若用匹夫策。坐令重圍

潰不費黃金資寧求白璧賚明主憂既遠邊事亦可大
荷寵務推誠離言深慷慨霜搖直指草燭引明光珮公
論日夕阻朝廷蹉跎會孤城海門月萬里流光帶不應
百尺松空老鍾山靄

大梁途中作

前人

怏怏步長道客行渺無端郊原欲下雪天地稜稜寒當
時每酣醉不覺行路難今日無酒錢悽惶向誰嘆

途中作

前人

遊人愁歲晏早起遵王畿墜葉吹未曉疏林月微微驚
禽棲不定寒獸相因依歎此霜露下復聞鴻鴈飛渺然
江南意惜與中途違羈旅悲壯髮別離念征衣永圖豈
勞止明節期所歸寧厭楚山曲無人長掩扉

早過臨淮

陶翰

夜得三渚風晨過臨淮島潮中海氣白城上楚雲早鱗
鱗漁浦帆漭漭蘆洲草川路日浩蕩惄然心如擣但言
任倚伏何暇念枯槁范子名屢移遽公志恒保古人去

已久此理誰足道

途中口號

郭向

抱王三朝楚懷書十上秦年年洛陽陌花鳥弄歸人

泊震澤口

薛據

日落草木陰舟徒泊江汜蒼茫萬象開合沓聞風水沿
洄值漁翁窸窣逢樵子雲開天宇靜月明照萬里早鴈
湖上飛晨鐘海邊起獨坐嗟遠遊登岸望長洲寥落星
欲盡腫朧氣漸收行藏空自秉智識仍未周伍胥既伏

劍范蠡亦乘流歌竟鼓檝去三江多客愁

魯郡途中遇徐十八錄事

時此公學
王書嗟別

高適

誰為嵩潁客遂經鄒魯鄉前臨少昊墟始覺東蒙長獨
行豈吾心懷古激中腸聖人久已矣游夏遙相望徘徊
野澤間左右多悲傷日出見闕里川平知汶陽弱冠負
高節十年思自強終然不得意去去任行藏

高適此詩已見本集及百家詩選中今英華誤作

王昌齡詩

自淇涉黃河五首

前人

朝從北岸來泊船河南澣試共野人言深覺農夫苦去

秋雖薄熟今夏猶未雨耕耘自劬集作日勤勞租稅兼烏鹵

園蔬定詩選作空寥落產業不足數尚有獻芹心無因見明

主以下五篇並見集本

二

茲川方悠悠集作逸雲沙無前後古塔集作堰對河壩長林

出淇口獨行非吾意東向集作南日已久憂來誰得知且

酌樽中酒

三

皤皤河濱叟相遇似有恥輟榜聊問之答言盡終始一
生雖貧賤九十年未死且喜對兒孫彌慙遠城市結廬
黃河曲垂釣長河裏溟漫望雲沙蕭條聽風水所思強
飯食永願在鄉里萬事吾不知其心只如此

四

孟夏桑葉肥濛濛

集作濃陰

夾長津蠶農有時節田野無閑

人臨水狎漁商

集作樵

望山懷隱淪誰能去京洛憔悴對

風塵

五

南登滑臺上却望河淇間行樹夾流水孤村

集作城

對遠

山念茲川路闊羨爾沙鷗閑遙憶

集作長想

別離處獨

集作猶

無音信還

餘干旅客

劉長卿

搖落暮天迥青楓霜葉稀孤城向水閉獨鳥背人飛渡
口月初上鄰家漁未歸鄉心正欲絕何處擣寒衣

以下
七篇

並見
集本

安州道中經漣水有懷

前人

征途逢漣水忽似到秦川借問朝天處猶看落日邊映
沙晴漾漾出礧夜濺濺欲寄西歸恨微波不可傳

松江獨宿

前人

洞庭初下葉南客不勝愁明月天涯夜青山江上秋一

官成白首萬里寄滄洲
久被浮名繫能無愧海鷗

却歸睦州至七里灘下作
前人

南歸猶謫宦獨上子陵灘
江樹臨州晚沙禽對水寒
山開斜照在石淺亂流難
惆悵梅花發年年此地看

北歸入至德州界偶逢洛陽隣家李光宰

劉長卿

生涯心事已蹉跎
舊路依然此重過
近北始知黃葉落
向南空見白雲多
炎洲日日人將老
寒渚年年水自波

華髮相逢俱若是故園秋草復如何

溫湯客舍

前人

冬狩溫泉歲欲闌宮城佳氣晚宜看湯熏仗裏千旗暖
雪照山邊萬井寒君門獻賦誰相達客舍無錢輒自安

且喜禮闈秦鏡在還

集作
盡

將妍醜赴春官

入桂渚次砂牛穴

前人

扁舟傍歸路日暮瀟湘深湘水清見底楚雲淡無心片

帆導

集作
落

桂渚獨夜依楓林楓林月出猿聲苦桂魄

集
作

渚
天寒桂花吐此中無處不堪愁江客相看淚如雨

途中曉發

崔曙

曉霽長風裏勞歌赴遠期雲深一作輕歸海疾月滿下山

遲旅望因高盡鄉心遇物悲故林遙不見况在落花時

早發交崖山還太室

前人

東林氣微白寒鳥高高翔吾亦別一作自茲去北山歸草

堂仲冬正三五日月遙相望蕭蕭過潁上朧朧辨少陽

春冰生積雪野火出枯桑獨往路難盡窮陰人易傷傷

此無依客如何度雪霜

一作蒙
雨霜

早發西山

沈頌

遊子空有懷賞心杳無路前程數千里乘夜連輕馭繚
繞松篠中蒼茫猶未曙遙聞孤村犬暗指人家去疲馬
懷澗泉征衣犯霜露喧呼溪鳥驚沙上或騫翥娟娟東
岑月照曜獨歸慮

衛中作

前人

衛風愉艷宜春色淇水清泠增暮愁縱使榴花能一醉

終須萱草暫忘憂

辰陽即事

張謂

青楓落葉正堪悲
黃菊殘花欲待誰
水近偏逢寒氣早
山深常見日光遲
愁中卜命問周易
病裏招魂讀楚詞
自恨不如湘浦鴈
春來即是北歸時

邵陵作

前人

嘗聞虞帝苦憂人
祇為蒼生不為身
已到一朝辭北極
何須五月更南巡
昔時文武皆銷鑠
今日精靈長寂寞

斑竹年來笋自生
白蘋春盡花空落
遙望零陵見舊丘
蒼梧雲起至今愁
唯餘帝子千行淚
添作瀟湘萬里秋

奉和杜相公初發京城作

岑參

按節辭黃閣
登壇戀赤墀
銜恩思報主
授律遠行師
野鵲迎金印
郊雲拂畫旗
叨陪幕中客
敢和出車詩

登臨洮赴北庭留別

見二百九十九卷

岑參

晚發五渡

前人

客厭巴南地鄉憐斂北天江村片雨外野寺夕陽邊
葉藏山逕蘆花間渚田舟行未可住乘月且須牽

巴南舟中夜事

一作市

前人

渡口欲黃昏歸人爭渡喧近鍾清野寺遠火照江村見
鴈思鄉信聞猿積淚痕孤舟萬里夜秋月不堪論

楚夕旅泊古興

前人

獨鶴唳江月孤帆凌楚雲秋風冷蕭索蘆荻夜紛紛忽
見湘川老欲訪雲中君騏驎息悲鳴愁見豺虎羣

赴捷為經龍閣道

前人

側逕轉

一作搏

月壁危梁透滄波汗流出鳥道膽碎窺魚

寓驟雨暗溪谷歸雲網松蘿屢聞羌兒笛厭聽巴童歌
江路險復永夢魂愁更多聖朝幸典郡不敢嫌岷峨

早上五盤嶺

前人

平旦驅馱馬曠然出五盤江迴兩岸濶日隱羣峯擢蒼
翠烟景曙森沉雲樹寒松踈露孤驛花密藏迴灘棧道
溪雨滑畬田原草乾此行為知已不覺蜀道難

奉和相公發益昌

前人

相國臨戎發帝京，擁旄持節遠橫行。
朝登劔閣雲隨馬，夜一作晚渡巴江雨洗兵。
山花萬朶垂征蓋，川柳千條撥去旌。
暫別蜀城應計日，須知明主待持衡。

自常州還江陰道中作

李嘉祐

處處空籬落江村，不忍看無人花色。
慘多雨鳥聲寒黃，霸初臨郡陶潛未去。
集作罷官乘春務征伐，誰肯問凋殘。

以下四篇

並見集本

南浦渡口

前人

寂寞橫塘路新篁覆水低東風潮信滿時雨稻稊齊寡
婦共租稅漁人逐鼓輦慙無卓魯術解印謝黔黎

至七里灘作

前人

遷客投于越臨江浹滿衣獨隨流水遠轉覺故人稀萬
木迎秋序千峯駐晚暉行舟猶未已惆悵暮潮歸

早秋京口旅泊章侍御寄書相問因以贈之時

七夕

前人

移家避寇逐行舟，厭見南徐江水流。
吳地征徭非舊日，秣陵凋弊不宜秋。
千家閉戶無砧杵，七夕何人望斗牛。
祇有同時騁馬客，偏題尺牘問窮愁。

春江晚行

錢起

斜日片帆陰，春風孤客心。
山來指樵火，岸去惜花林。
海

氣蒸雲黑潮聲隔水

集作雨

深鄉愁不可道

集作過

草色晚

鷺吟

晚至華陰

皇甫曾

臘盡促歸心行人及華陰雲霞仙掌出松栢古祠深野

渡水生岸寒川燒隔林溫泉程一作漸近宮樹晚沉沉

晚次淮陽

張繼

微涼風葉下楚俗轉清閑候館臨秋水郊扉掩暮山月

明潮漸滿

一作近

露濕鴈初還浮客了無定萍流淮海間

初出徽安門

前人

洛陽天子縣金谷石家鄉草色侵官道花枝出苑牆書

成休逐客賦罷遂為郎貧賤非吾事西遊當自強

楓橋夜泊

前人

月落烏啼霜滿天江楓漁父

詩選作江楓漁父

對愁眠姑蘇城

外寒山寺夜半鐘聲到客船

閶門即事

前人

耕夫召募逐樓船春草青青萬頃田
試上吳門窺郡郭清明幾處有新煙

歷陽苦雨

一作夜雨

顧况

襄

集作哀

城秋雨晦楚客不歸心
亥市風煙接隋宮草路

深離憂翻獨笑用事感浮陰夜夜空階響唯余蚯蚓

集作

蜻蛉吟

下武昌江行下岑陽

集作望岑陽

司空曙

悠悠向楚鄉樊口下岑陽雲隱洲渚暗沙高蘆荻黃漁人共留滯水鳥自喧翔懷土年空盡春風又淼茫

望商山路

前人

南見青山道依然去國時已甘長避地誰料有還期雨霽殘陽薄人愁獨望遲空殘華髮在前事不堪思

--	--	--	--	--	--	--	--

177

178

文苑英華卷二百九十二

欽定四庫全書

文苑英華卷二百九十三 宋 李昉等 編

行邁五

盧綸五首

戴叔倫六首

嚴維一首

孟雲卿一首

權德輿三首

朱放一首

賈宗一首

衛葉一首

余延壽一首

竇叔向一首

閻丘曉一首

柳仲庸二首

胡浩一首

劉復二首

釋清江一首

釋靈一一首

李益一首

李端二首

章八元一首

歐陽詹四首

韓愈四首

劉禹錫四首

李宣遠一首

孟郊四首

呂溫二首

張籍四首

白居易六首

江行次武昌縣

盧綸

客寄五湖間扁舟往復還
年年生白髮處處上青山
去國空知遠安身竟不閑
更悲江畔柳長是北人攀

夜泊金陵

前人

圓月出高城蒼蒼照水營
江中正吹笛樓上又無更
洛下仍傳箭關西欲進兵
誰知五湖外將吏更爭名

集作
諸將

但爭
名

泊揚子江岸

見一百六十四卷

前人

山映

前篇作山影

鏡催

前篇作鏡悲

沙草

前篇作芳草

晚次鄂州

至德中作

前人

雲開遠見漢陽城，猶是孤帆一日程。
估客書眠知浪靜，舟人夜語覺潮生。
三湘愁鬢逢秋色，萬里歸心對月明。
舊業已隨征戰盡，更堪江上鼓鼙聲。

至德中途中即事寄李儋

前人

亂離無處不傷情，况復看碑對古城。
路遠寒山人獨去，

月臨秋浦鴈空驚
顏衰重喜歸鄉國
身賤多慙問姓名
今日主人還共醉
應憐世故一儒生

過柳州

戴叔倫

地盡江南戍山分桂北林
火雲三月合石路九疑深
暗谷隨風過危橋共鳥尋
羈魂愁似詩選作以愁絕不復待猿

吟

經巴東嶺

前人

巴山不可上徒馭亦徘徊
舊棧欹難度朝雲濕未開
瀑

泉飛雪雨驚獸走風雷此去無停候
征人幾日回

過中州

前人

萬人曾戰死幾處見休兵
井邑初安堵兒童未長成
涼風吹古木野火入殘營
牢落千餘里山空水復清

次下牢韻

前人

獨立荒亭上蕭蕭對晚風
天高吳塞濶日落楚山空
猿叫三聲斷江流一水通
前程千萬里一夕宿巴東

夜發烏

詩選
作猿

江作

前人

半夜回舟入楚鄉，月明山色共蒼蒼。
孤猿更發詩選作叫秋風，
裏不是愁人也斷腸。

宿灌陽灘

前人

十月江邊蘆葉飛，灌陽灘冷上舟遲。
今朝未遇高風便，還與沙鷗宿水湄。

自雲陽歸晚泊陸澧宅

嚴維

天陰行易晚，前路故人居。
孤棹所思久，冒寒相見初。
閑燈忘夜永，清漏任更疎。
明發還須去，離家幾歲除。

汴河阻風

已見一百五十六卷

孟雲卿

新安江路

前人

深潭與淺灘萬轉出新安人遠禽魚靜山深水木寒嘯

起青蘋末吟矚白雲端即事遂幽賞何必掛儒冠

次下三篇

並見
集本

夜月江行

前人

扣船

文粹
作艇

不能

集作
得

寢浩露清衣襟彌傷孤舟夜遠結

萬里心幽興惜瑤草素懷寄鳴琴三奏月初上寂寥

文粹

作
寒江深

奉使宜春夜度新淦江陵路至黃蘗館路上遇

風雨作

前人

草草理夜裝涉江又登陸望路殊未窮指期今已促傳

呼戒徒馭振轡轉林麓陰雲擁巖端霈集作雨當山腹

震雷如在耳飛電來照目獸跡不敢窺馬蹄惟務速虔

心若齋禱濡體如沐浴萬竅相怒號百泉暗奔瀑危梁

慮足跌峻坂憂車覆問我何以然前日受微祿轉知人

代事纓組乃徽東向若家居時安枕春夢熟遵途稍已
近候吏來相續曉霽心始安林端見初旭

亂後經淮陰岸

朱放

荒村古岸誰家在野水溪雲處處愁唯有河邊衰柳樹
蟬聲相送到揚州

旅泊江津言懷

賈宗

征途幾迢遞客子倦西東乘流如泛梗逐吹似驚蓬飄
飄萬里外辛苦百年中異縣心期阻他鄉風月同雲歸

全嶺暗日落半江紅自然堪併淚非是泣途窮

晚投南村

衛葉

客行逢日暮原野散秋暉南陌人初斷
西林鳥盡歸暗
蓬沙上轉寒葉月中飛村落無多在聲聲近擣衣

南州行

余延壽

搖艇至南國國門連大江中州兩邊岸數步一垂楊金
釧越溪女羅衣胡粉香織鱻春捲縵採蕨暝提筐弄琴
嬌垂幌迎人笑下堂河頭浣衣處無數紫鴛鴦

過擔石湖

竇叔向

曉發漁門戍晴看擔石湖日銜高浪出天入四空無尺
寸分州島纖毫指舳艫渺然從此去誰念客帆孤

夜渡淮

閻丘曉

舟人自相報落日下芳潭夜火連河市春風滿客帆水
窮滄海畔路盡小山南且喜鄉國近言榮意未甘

揚子途中

柳仲庸

楚塞望蒼然寒林古戍邊秋風人渡水落日鴈飛天

江行

前人

繁陰乍隱洲落葉初飛浦瀟湘

集作瀟瀟

楚客帆日暮秋江

雨

山峽

胡浩

巴東三峽盡曠望九江開楚塞雲中出荆門水上來魚
龍潛嘯雨鳧鴈動成雷南國秋風晚客思幾悠哉

出東城

劉復

步步東城門獨行已徬徨伊洛泛清流密林含朝陽芳

景雖可矚懷憂在中腸人生幾何時冉冉隨流光願得
心所親樽酒坐高堂一為浮沉隔會合殊未央雙戲水
中鳧和鳴自翱翔我無此羽翼安可以比方

經楚城

前人

日沒路且長遊子欲涕零荒城無人路秋草飛寒螢東
南古邱墟莽蒼馳郊垆黃雲晦斷岸枯井臨崩亭昔人
竟何之窮泉獨冥冥蒼苔沒碑板朽骨無精靈俛仰寄
世間忽如流波萍金石非汝壽浮生等臊腥不如學神

仙服食

一作樂

求丹經

夕次襄邑

釋清江

何處成吾道經年遠路中客心猶向北河水自歸東古
戍鳴寒角踈林振夕風輕舟難載月那與古人同

自清山詣於潛道中作呈元八居士

已見二百三十卷

釋靈一

早發破訥砂

見二百九十九卷

李益

晚次巴陵招水

集作
邀水客

李端

雪後柳條新
巴陵城下人烹魚
招水客載酒奠山神
雲去低斑竹
風來動白蘋
不堪逢楚老
日暮正江春

晚

疑作晚

發瓜洲

前人

曉發悲行客
橈停獨未前
寒江半有月
野戍漸無船
棹唱離南岸
鴻嘶發遠田
誰知避徒御
對酒一潸然

新安江行

後篇作亭

章八元

江源南去野
永飯暫維梢
古戍懸魚網
空林露鳥巢
雪晴山脊見
沙淺浪痕交
自笑無媒者
逢人作解嘲

益昌行

并序

歐陽詹

貞元中天子以工部郎中興元少尹吳興陸

集作次

公長

源牧利州其為政五年予旅遊于利觀人安俗阜歛所以美作詩一章利故益昌郡也目之曰益昌行

驅馬至益昌倍驚風俗和耕夫隴上謹負者途中歌處處川復原重重山與河人煙遍餘田時稼無闕坡問業一何脩太守德化加問身一何安太守恩懷多賢哉我

太守在古無以過愛人堪愛身

集作子

治郡如治家

集作理那

如理家

雲雷既奮騰草木遂萌芽乃知良二千足德

集作得足

為國華今時故

集作固

精求漢帝非徒嗟四氣有青春衆

植佇揚葩期當作說霖天下同霽霽

以下三篇並見集本

自淮中却赴洛途中作

前人

惆悵策疲馬孤蓬被風吹昨東今又

集作與

西冉冉長路

岐嶺晚樹無葉夜寒霜滿枝

集作衣

旅人恒辛苦冥冥天

何知

晨裝行

前人

村店月西出

集作入

山枝鳴鳩聲永

疑

燈徹夜席束囊事

晨征寂寂人常眠悠悠天未明豈無偃息心所務前有程

新都行

前人

縹緲空中絲蒙籠道傍樹翻茲葉間吹惹破花上露悠悠
揚絲意去苒蒨花枝住何計脫纏綿天長春日暮

晚泊江口

韓愈

郡城朝解纜江岸暮依村二女竹上淚孤臣水底魂雙

雙歸蟄鷺一一叫羣猿回首那聞語空看別袖翻

以下四篇

並見
集本

次弄

集作
五

冠峽

韓愈

今日是何朝天晴物色饒落英千尺墮遊絲百丈飄
乳交巖脉懸流揭浪標標無心思嶺北猿鳥莫相撩

同李二十八夜次襄城

前人

周楚仍連接川原乍屈盤雲垂天不暖塵漲雪猶乾
印綬歸台室旌旗別將壇欲知迎候盛騎火萬星攢

次峽石

前人

數日方離雪今朝又出山試憑高處望隱約見潼關

晚泊牛渚

劉禹錫

蘆葦晚風起秋江鱗甲生殘霞忽改色遠鴈有餘聲戍鼓音響絕漁家燈火明無人能詠史獨自月中行

途中早發

前人

中庭望啟明促促事晨征寒樹鳥初動霜橋人未行水流白煙起日上綵霞生隱士應高枕無人問姓名

初至長安時自在外郡授郎官

劉禹錫

左遷凡二紀重見帝城春
老大歸朝客平安出嶺人
每行經舊處却思似前身
不改南山色其餘事事新

秋江早發

前人

輕陰迎曉日霞霽秋江明
草樹含遠思襟懷有餘清
凝睇萬象起朗吟孤憤平
渚鴻未矯翼而我已遐征
因思市朝人方聽晨雞鳴
昏昏戀衾枕安身元氣英
納爽耳

目變翫竒筋骨輕滄洲有竒趣浩蕩吾將行

并州路作

李宣遠

秋日并州道黃榆落故關孤城吹角罷數騎射鴈還
帳幕遙臨水牛羊自傍山行人正垂淚烽火起雲間

遠遊

孟郊

慈烏不遠飛孝子念先歸而我獨何事四時心有違
江海戀空積波濤信來稀長為路旁客

集作食

着盡家中衣別

劍不割物離人難作威遠行少僮僕驅使無是非為長

集作性

玩好盡積愁心緒微始知時節駛有夏

集作受

日長暉

夢澤中行

前人

楚山爭蔽虧白日無全輝楚路多

集作饒

遠感旅人有迷

歸騏驥思北首鷓鴣願南飛我懷京洛遊未厭風塵衣

渭上思歸

前人

獨訪千里信迴臨千里河家在吳楚鄉淚寄東南坡

過分水東嶺

前人

山壯馬力短馬

集作路

行石齒中十步九舉轡迴還失西

東溪水變為雨綠

集作懸

岸陰濛濛客衣飄飄秋菖花零

落風白日捨我役征途忽然窮

道州途中即事

呂溫

零桂佳山水營陽舊日同經途
看不暇遇境說難窮疊嶂青
時合澄湘漫處空舟移明鏡裏
路入畫屏中巖壑

千家接松蘿一逕通漁燈

集作煙

生縹緲犬吠隔葱籠戲

鳥留餘翠幽花悅晚紅光翻沙瀨日香散橘園風信美
非吾土分憂屬賤躬守愚資地僻郵隱望年豐且保心

能靜那求政必工課終如免疾歸養洛城東

經河源軍漢村作

前人

行行忽到舊河源城外千家作漢村樵採未侵征虜墓
耕耘猶就破羗屯金湯天險長全設伏臘華風亦暗存
暫駐單車空下淚有心無力復無言

集作何

江行夜投漁家

已見二百十七卷

張籍

路遠

前篇作路暗

薊北春思

集作懷

前人

渺渺水雲外望來鄉

集作別來音

信稀因逢過江使却寄在

家衣間路更愁遠送人空說歸今朝薊城北又見塞鴻

飛

舟行重寄李湖州

已見二百九十五卷

前人

宿江店

前人

野店臨寒

集作西

浦門前有橘花停燈待賈客賣酒與漁

家夜靜江水白路迴山月斜閑尋舟泊

集作船泊

處潮落見

平沙

夜入瞿塘峽

白居易

瞿塘天下險，夜上信艱哉。峯似雙屏合，天如足練開。逆風驚浪起，拔棹暗船來。欲識愁多少，高於灩澦堆。

途中感秋

前人

節物行搖落，年顏坐變衰。樹初黃葉日，人欲白頭時。鄉國程途遠，親朋處處辭。唯殘病與老，一步不相離。

途中作

前人

早起上肩檝，一盃平旦醉。晚憇下肩檝，一覺殘春睡。身

不經營物心不思量事但恐綺與紈只如吾氣味

白口阻風十日

前人

洪濤波

集作白

浪塞江津處處遭事事迺世上方為失

途客江頭又作阻風人魚鰕遇雨腥盈鼻蚊蚋和煙瘴
滿身老大光陰能幾日等閒白口坐經旬

九江北岸遇風雨

已見一百六十二卷

前人

初出藍田路

前人

停驂問前路路指

集作在

秋雲裏蒼蒼縣南山

集作道

險

集作

去途從此始絕頂忽上盤衆山皆下視下視千萬峯

頭如浪起朝經韓公坂夕次藍橋水潯陽近

集作
僅

四千

始行七十里人煩馬蹄阻勞苦又如此

集作
已

文苑英華卷二百九十三